

畿輔通志卷一百三十七

略九十二 藝文五 直隸方志

燕志十卷 後魏高閭撰

見隋書經籍志閭字閭士
漁陽雍奴人官至太常卿

燕書 後魏封懿撰

見魏書本傳封懿字虔德渤海
蓀人官至都坐大官章安侯

趙記八卷 北齊李公緒撰

見北史李靈附傳
公緒趙郡平棘人

案隋志地理類趙
記十卷不著撰人

幽州圖經一卷 不著撰人

見隋書
經籍志

冀州圖經一卷 不著撰人

見隋書
經籍志

碣石志 金呂子羽撰

見中州集子羽字周卿大興人大定末進士著碣石志數十萬言皆近代以來事迹幽隱譎怪恢諧無所不有

案補元史藝文志有呂貞幹碣石志注云字周卿大興人

析津志典 元熊自得撰

見補元史藝文志自得字夢祥豐城人崇文監丞

河朔訪古記二卷

欽定四庫全書提要不著撰人名氏明焦竑國史經籍志著錄亦不

云誰作考元劉仁本羽庭集有是書序曰今翰林國史院

編修官郭囉洛氏納新易之自其先世徙居鄆至正五年

挈行李出浙渡淮溯大河而濟歷齊魯陳蔡晉魏燕趙之

壚弔古山川城郭邱陵宮室王霸人物衣冠文獻陳迹故

事暨近代金宋戰爭疆場更變者或得於圖經地志或聞

諸故老舊家流風遺俗一皆考訂夜還旅邸筆之於書又

以其感觸興懷慷慨激烈成詩歌者繼之總而名曰河朔

訪古記凡一十六卷云云則此書實為納新作焦氏考之

未審序稱十六卷焦氏作十二卷亦係附會之辭納新族

出西北郭囉洛因以為氏曾官翰林國史院編修郭囉洛者以

欽定西域圖志

考之即今塔爾巴哈台也元時色目諸人散處天下故納新寓居南陽後移於鄆縣初辟為浙東東湖書院山長以薦授翰林編修官出參桑戩實哩軍事卒於軍所著金臺集尚有刊本惟此書久軼今散見永樂大典中者惟一百三十四條所紀皆在真定河南境內而其餘不存又仁本所稱繼以詩歌者亦不復可見然據今所存諸條其山川古迹多向來地志所未詳而金石遺文言之尤悉皆可以為考證之助謹彙而編之核其道里疆界各以類從真定路為一卷河南路為一卷仍錄劉仁本原序冠之雖殘闕之餘十存一二而崖略宛在條理可尋講輿地之學者猶可多所取資焉

潞水客談一卷

明徐貞明撰

欽定四庫

全書存目提要貞明字孺東一日伯繼貴溪人隆慶辛未進士官至尚寶司少卿其官工科給事中時上疏言畿甸水利大旨開西北之溝洫以省東南之漕運廷議不行會以他事外謫太平府知事不能再疏理前說乃於通州旅次作此書設為賓主問荅之辭以盡疏中之義前有萬曆丙子張元忭序又有俞均重刊序及王祖嫡題詞末有李世遠王一鶚二書李楨米鴻謨二跋皆盛推之然其後貞明復官還朝更申前請廷議用其策即命貞明領之迄不

能成功而罷又明史汪應蛟傳載應蛟巡撫保定時奏興畿輔水利工部尚書楊一魁贊成其事神宗執政許之後亦卒不能行蓋持是議者皆妄冀水利一興即北方之粟足供倉儲可以省南方之漕運而不知古今異勢南北異宜書生紙上之言固未可概見諸實事也

日畿訪勝錄二卷

明姚士粦撰

士粦字叔祥海鹽人

欽定四庫

全書存目提要此錄乃萬厯甲午士粦游京師時尋訪都城內外諸勝因彙輯成編然所載古蹟實皆鈔撮孫國救燕都游覽志蔣一葵長安客話諸書別無異聞不足資證據也

帝京景物略八卷

明于奕正等撰

欽定四庫

全書存目提要明劉侗于奕正同撰侗字同人麻城人崇禎甲戌進士官吳縣知縣奕正字司直宛平人崇禎中諸生是編詳載北京景物奕正摭求事迹而侗排纂成文以京師東西南北各分城內城外而西山及畿輔併載焉所列目凡一百二十有九每篇之末各繫以詩採摭頗疎主士禎池北偶談嘗譏其不考薩都拉集失載安祿山史思明所造雙塔事考據亦多不精確其為朱彝尊曰下舊聞所駁正者尤不一而足其割裂藝元二字為塑工姓名一

條殆足資笑噓又侗本楚人多梁竟陵之習其文皆么茲
側調惟以纖詭相矜至如太學石鼓一條舍石鼓而頌太
學殊傷允濫又首善書院近在同時泛敘講學既無關於
景物於體例亦頗有乖所附諸詩尤為猥雜方今奉
大輅之椎輪侗等弔詭之詞亦可為覆瓿用矣

燕史一百二十卷

明郭造卿撰

造卿字建初福建福清人嘉靖間貢生總兵戚繼光禮為
上客往來塞上十餘載九邊三輔阨隘言之厯厯如指掌
繼光請撰燕史未竟而繼光去造卿曰吾不可以廢成勞
遂留竣事不受廩於官告成藏之篋行而歸藁存閩中造
卿嘗受業羅洪先從游汪道昆皆奇其文所著有盧龍塞
略碣石叢談九邊要略王融古史海嶽山房集上杭縣志
永平府志又著有太甯考附永平府志中其詩文蒼麗淹
雅朱彝尊著日下舊聞考檢書隸事一千五六百種之多
猶以不獲見燕史為憾道光中劉喜海權興泉永道篆於
廈門舊紳家得見全藁以屬總兵孫儀國為之鈔錄喜海
旋去閩之陝右之甘涼之西蜀道途遙遠儀國未得郵致
寄貯於吳閭將以遺之迨喜海開藩兩浙始得見鈔本簡
帙散亂不完裝為八冊三十四卷其目凡十曰政紀曰統
紀曰雄紀曰鎮紀曰敵紀曰督紀曰道紀曰繫紀曰裔紀
曰朔紀各繫以小序前引書後論斷自漢迄唐華夏征戰
置州略地極其精詳喜海乃屬高錫蕃為之校讐又屬周

其口爲之重校俟獲全書卽付剞劂而卒不果今劉氏鈔校本爲貴筑黃彭年得之京師亦無由覓其全書爲深惜焉

盧龍塞略四卷

明郭造卿撰

碣石叢談八卷

明郭造卿撰

北平八府志三十卷

明劉崧撰

見明史
藝文志

北平八府圖總目一卷

不著撰人

見明焦竑國
史經籍志

北平志四卷

不著撰人

見明焦竑國
史經籍志

北平事蹟一卷

明劉崧撰

見明史
藝文志

燕都游覽志四十卷 明孫國莊撰

見明史
藝文志

長安客話八卷 明蔣一驄撰

見明史
藝文志

欽定日下舊聞考一百二十卷

乾隆三十九年奉
敕撰因朱彝尊日下舊聞原本刪繁補闕援古證今一一詳為考覈

定為此本原書分星土世紀形勝宮室城市郊坰京畿倚
治邊障戶版風俗物產雜綴十三門其時城西玉泉香山
諸處

臺沼尚未經始故列郊坰門中與今制未協諸廨署入城市門
中太學石鼓獨別為三卷於體例亦屬不倫今增列
苑囿官署二門并前為十五門而石鼓考三卷則并於官署門
國子監條下又原本城市京畿二門五城及各州縣分屬
之地今昔不同一一以新定界址為之移正原本所列古
蹟皆引據舊文誇多務博不能實驗其有無不免傳聞訛
舛彼此互歧亦皆一一履勘遺蹤訂妄以存真闕疑以傳
信所引藝文或益其所未備或刪其所可省務使有關考
證不漏不支至於

列聖宸章
皇上御製凡涉於

神京風土者悉案門恭載尤足以昭垂典實藻繪山川古來誌都京者前莫善於三輔黃圖後莫善於長安志彝尊原本

屠鑒為之正譌補漏又駕彝尊原本而上之千古輿圖當以此本為準繩

矣

欽定熱河志八十卷

乾隆四十六年奉
敕撰熱河即古武列水

避暑山莊在焉舊設熱河道領四廳今置承德府領平泉一州灤平豐寧赤峯建昌朝陽五縣此志猶以熱河名者神泉

鑾輿歲莅蒐狩朝觀中外就瞻地重禮尊不可冠以府縣之目故仍

以行殿所在為名也凡分二十四門

華蓋時臨
奎文日富敬錄弁首曰

天章
省方觀民勵精無逸編年紀載曰

巡典琛賁鱗集梯航旅來
威德式彰曰徠遠

軒衛隨行
明堂斯建

詳陳規制曰

行宮肆武

習勞三秋

大獮周防

原麓曰圍

場地接堯

封界分周

索四至入

到曰疆域

或為僑置

或為郡縣

或為京邑

引據史傳

辨訂是非

兼列入表

十二圖曰

建置沿革

勢曰山涵

泳

出地曰暑

度巨流為

經眾川為

緯曰水區

列方隅標

舉形

聖化澤以

詩書曰學

校喀喇沁

翁牛特土

默特奈曼

敖漢巴林

喀爾喀

右翼諸部

以奉

效祝而營

曰寺廟畫

疆分職臂

指相維曰

文秩羽衛

連

營以迨察

國朝官斯

地者遷除

歲月以次

臚載曰職

官題名前

代官是地

者不可盡

詳錄其有

功可紀者

冊曰人物

山澤膏沃

金粟豐贏

曰食貨草

木禽魚正

名百

類曰物產

故址流傳

遺文有證

諸部軼聞

曰外紀詩

歌制作關

於風土者

曰藝文竝

考古

證今辨疑

傳信既精

且博蔚為

自漢魏以

前皆鮮卑

烏桓地也

慕容氏崛

起龍城始

置郡

縣魏書地

形志約略

可稽齊周

參錯而居

前朝諸史

務侈幅員

每以邊境

郡名移置

長城

之外核驗

地理味不

足憑後惟

然無所紀

載故輿記

靡徵明葉

大甯渺如

絕域其所

敘錄

藝文五

方志

五

益傳聞失其真矣我
國家肇造區夏統括寰瀛

太宗文皇帝日擒十四台吉先定其地

聖祖仁皇帝校練七萃初出松亭後喀爾喀汗貢厥上腴益宏

文園刈蘭之界北跨臨潢遂
仙苑天開爰問畢集我

皇上法

天不息率

祖攸行時邁其邦地同三輔四方大其和會百產益以蕃昌郡邑區

分膠庠鼎建民殷俗美炳然與三代同風其盛爲自古所未有故詞臣珥筆敬述斯編亦自古之所未聞豈非地祇其靈天珍其奧自開闢以至今日越千萬載待

聖朝而發其
光哉

欽定盤山志二十一卷

國朝大學士蔣溥奉

敕撰盤山在薊州城北二十五里爲漢末田疇隱居之地五峯三盤

林壑幽邃單椒秀澤雄甲畿東自

聖祖仁皇帝四度臨幸

宸章題詠照燦巖阿然舊無山志青溝釋智朴始草創成編辭旨允

蔓體例尙多未備我

皇上宸游蒞止靈境日開乾隆九年始

命發內帑建

靜寄山莊於山之陽天闢名區全攬勝槩歲春秋有事於
祖陵每駐蹕

行宮

幾餘靜憇智仁樂趣暢洽

宸襟山水效靈益增神秀乾隆十九年二月因
行幸山莊爰

命蔣溥汪由敦董邦達纂修新志溥等承
詔屬橐詳加裒輯分圖考名勝寺宇流寓方外藝文物產雜綴入門

釐爲十六卷首冠以

巡典

天章五卷至十二月書成奉表恭進焉臣等敬繹
睿製旁考舊聞惟茲山之靚潤深奧足與嶽鎮競秀而其名不大顯

於前世以是知天地清淑之氣扶輿磅礴固必待時而出
以奉

大聖人泮奐之娛而

天筆昭回鏤巘耀谷品題甲乙榮幸無涯尤自古所未有敬錄斯編

亦以慶茲
山之遭也

畿輔通志四十六卷

國朝格爾古德等監修

是書修於康熙十九年七月成於二十一年四月計卷四
十有六前有格爾古德董秉忠吳元萊李玠馬兆辰序總
修者爲翰林院侍講郭棻分星野建置沿革疆域形勢山
川城池學校兵制公署祠祀古蹟戶口田賦風俗帝后封

建職官選舉名宦流寓人物藝文雜志二十二門

畿輔通志一百二十卷

國朝李衛等監修

欽定四庫全書提要畿輔通志一百二十卷

國朝兵部尚書直隸總督李衛等監修自元以來如析津志諸書所紀祇及於京師至明代以畿內之地直隸六部與諸省州縣各統於布政司者體制不侔故諸省皆有通志而直隸獨闕

本朝定鼎京師特置直隸巡撫以專統轄康熙十一年大學士

衛周祚奏令天下郡縣分輯志書

詔允其請於是直隸巡撫于成龍格爾古德等始創爲之屬翰林院侍講郭棻董其事僅數月而書成討論未爲詳確雍正七年

世宗憲皇帝命天下重修通志上諸史館以備一統志之採擇督臣

唐執玉祇奉

明詔乃延

原任辰州府同知田易等設局於蓮花池蒐羅纂集其後劉於義及李衛相繼代領其事至雍正十三年而書成凡分三十一目人物藝文二門又各爲子目訂譌補闕較舊志頗爲完善云

唐執玉序維

皇上嗣大厯服之三年百度具張以一統志厯久未成特簡重臣敦就功役七年春

詔直省重修通志錄上史館以備採擇而臣執玉適承乏總督畿內

文武事乃發舊通志機取各郡州縣志而營度焉舊志則簡而不當其根源見於經史子集者每缺焉或取諸類書而與本文謬舛其他則稗官小說爲多郡州縣志則蕪而不雅蓋雜出於近世人之紀錄或野人所傳會甚者因緣請託事跡僞構賢不肖混淆未可以爲據也竊維舊志作於康熙十九年成於二十一年前此制度文爲皆仍明舊至此則三逆蕩平

聖祖

仁皇帝富於春秋凡吏治民生無一不厯

聖心

斟酌損益以求至當數十年來章程之更定者多矣我皇上御極勵精圖治宵旰不遑凡四海九州之內有一事未得其宜

者必爲周詳區畫而行政教自京師始凡興禮正俗禁暴誅姦設官課績教士勸農治軍察吏施於畿輔者尤纖悉無遺是猶文武造邦而官禮具完乃在成周之世將著爲典冊傳之無窮而可仍舊志之疏略乎乃就嗜古承學明於義法者論定體例別爲三十類田賦戶口驛站鹽政川防營田皆屬諸所司具詳功令程式而以前代因革附論於後其他則一以經史爲本子集次之雜志附焉而本朝之德政與諸義類有關涉者具詳於卷首惟近世名宦人物樊然吮隤時遠地隔莫由辨其誠僞僅削其尤濫者而一善可稱皆存而弗去以俟知其實者之論定焉爰聘耆儒廣延才俊次第編纂草創甫就以負疴蒙

恩內

召養疾都下臣劉於義臣李衛相繼暨布政使臣王蔘董其事

詔恩

領故職乃重加討論北方購書甚難雖未能博極羣編而以視

舊志則粗存其體要矣故不揣固陋而敘論之以志臣等
辛生

國家重熙累洽之後值典明法備之時叨列大
僚共襄盛事乃曠世一逢之遭際也夫

天府廣記四十四卷

國朝孫承澤撰

欽定四庫

承澤號退谷山東益都人世隸上林苑籍故自稱曰北平
全書提要要書以京畿事實分類編輯凡建置府治學宮
城池宮殿各一卷壇廟四卷官署二十三卷其中倉場漕
務附戶部選舉貢院附禮部之類又各以所屬繫錄人物
二卷名勝川渠名蹟寺廟石刻陵園各一卷賦一卷詩三
卷全用志乘之體承澤所作春明夢餘錄多記明事是編
則上該歷代下迄於明為例稍殊其中如因工部而及修
築遂併淮黃形勢而詳述之則是南河而非北都因禮部
而及儀注因併貴賤章服而縷載之則是會典而非地志
且既以天府為名自應以地為限乃明建都在永樂時而
內閣題名上溯洪武之初移石鼓入大都在元時而石鼓
歌兼收韓愈韋應物蘇軾鳳翔所作如斯之類皆務博貪
多未免失之泛濫至於六科條下自載其奏疏名蹟類中
自載其別業如斯之類亦未免明人自炫之習他如人物
門成德傳末附載德殉難時與馬世奇書有在都縉紳盡
如光含萬孫北海天下事尚可為之語含萬即光時亨字
以給事中從賊後為福王所誅者也以德之剛直明決與
時亨承澤決非氣類未必肯作是語如斯之類或不免有

所依託李國禎降賊拷死具載諸書而以爲棄城遁去賊
追殺之如斯之類或不免傳聞失實前卷以翰林院爲元
光祿寺後卷又以翰林院爲元鴻臚寺如斯之類
或不免小有抵牾核其全書大抵瑕多而瑜少也

春明夢餘錄七十卷

國朝孫承澤撰

欽定四庫全書提要
是書首以京師建置形勝城池畿甸次以城防
宮殿壇廟次以官署終以名蹟寺廟石刻巖麓川渠陵園
似乎地志而敘沿革者甚略分列官署似乎職制每門多
錄明代章疏連篇累牘又似乎故事體例頗爲龐雜且書
中標目悉以明制爲主則不當泛及前代既泛及前代則
當元元本本絲牽繩貫使端委粲然不當挂一漏萬每門
寥寥數語或有或無絕不畫一卽如禮部第一子目標曰
禮制而首以朱子儀禮經傳通解一條次以吳澄三禮考
註一條又次以朱子家禮一條此儒者之著述非朝廷之
典章不當繫以禮部又周與宋之舊文非明代之新制尤
不當繫於明之禮部是何義也太醫院門自敘官一條外
皆雜錄古人醫書序文及諸家脈論以足一卷無論不能
徧載卽徧載之何預明太醫院然則翰林院門將備錄歷
代制誥詩賦耶又承澤沿門戶餘波持論皆存偏黨如萬
歷以後歷法差舛衆論交爭至崇禎中西法中法誼叻彌
甚此沿革之大者乃欽天監門於鄭世子載堉諸說今見
於明史者悉刪不錄於徐光啟等改法之事亦僅存其略
且謂舊法不過時刻之差而不害於事又謂新法將來亦必

差殊有意抑揚不爲平允蓋其時論者多攻大統歷而大統歷曾經許衡參修承澤以講學家宗派所繫故爲之左祖其反復以衡爲詞宗旨了然可睹也又周延儒招權納賄賜死非枉承澤乃於內閣門中錄其直房記一篇以爲美談復於刑部門中以閣臣公救延儒揭列之慎刑條下益乖是非之公矣其好惡任情往往如是蓋不足盡據爲典要然於明代舊聞採摭頗悉一朝掌故實多賴是書以存且多取自實錄邸報與稗官野史據傳聞而著書者究爲不同故考勝國之軼事者多取資於是編焉

金鼇退食筆記二卷

國朝高士奇撰

欽定

四庫全書提要
是編乃其康熙甲子官侍講學士入侍

內廷時所作前有自序稱自丁巳

賜居

太液池之西朝夕策馬過金鼇玉嶺橋望苑中景物七閱寒暑

退食之頃偶訪曩時舊制約略得之傳聞者而又彷彿尋其故址離宮別館廢者多矣脫復十數年老監已盡遺蹟

漸湮無以昭我

皇上

卑宮室約園囿之儉德因率筆記之詳於西而略於東以所居

在苑西故也紀其興廢而復雜以時事欲見

昭代之盛存爲太平佳話也又稱衙署監局載在會典者不書訪

問未確者不書外人所罕窺者亦不敢書蓋其時距明末僅四十年前朝宦豎存者猶多士奇出入

禁廷得以詢訪又久寓其旁朝夕考校故所記往往可據朱彝尊曰下舊聞多採掇之今奉

詔

考定彝尊之書徵據詳明纖悉必備此編已在包括之中顧其草創記錄之功亦不可沒故仍錄存之以備參稽焉

北京風俗記二卷

國朝宋起鳳撰

見滄州志起鳳滄州人

順天府志六卷

明謝杰撰餘姚沈應文續成

欽定

四庫全書提要是書成於萬厯癸巳頗為簡略所立金門圖京兆圖諸粉飾求新尤明季纖佻之習

順天府志一百三十卷

國朝李鴻章周家楣沈秉成監修

光緒年間重修成書一百三十卷酌定體例者為兩廣總督南皮張之洞總司纂輯者為翰林院編修江陰繆荃孫

大興縣志六卷

國朝張茂節修

康熙二十二年茂節任大興知縣

宛平縣志六卷

國朝王養廉修

康熙二十二年養廉任宛平知縣